

ATODLEN 1

(a gyflwynir gan adran 4)

ANGHYMWYSO RHAG BOD YN AELOD O'R BWRDD

- 1 Mae'r personau canlynol wedi'u hanghymwysu rhag bod yn aelodau o'r Bwrdd—
- aelod o'r Cynulliad,
 - y Cwnsler Cyffredinol (os nad yw'n aelod o'r Cynulliad),
 - ymgeisydd i'w ethol yn aelod o'r Cynulliad,
 - person y gallai fod angen i'w enw, pe bai sedd aelod Cynulliad rhanbarthol yn dod yn wag, gael ei hysbysu i'r Llywydd o dan adran 11 o'r Ddeddf (seddi gwag mewn rhanbarthau etholiadol),
 - aelod o Senedd Ewrop, Tŷ'r Cyffredin, Tŷ'r Arglwyddi, Senedd yr Alban neu Gynulliad Gogledd Iwerddon,
 - aelod o staff y Cynulliad,
 - aelod o staff Llywodraeth Cynulliad Cymru,
 - person a gyflogir gan aelod o'r Cynulliad neu gan grŵp o aelodau'r Cynulliad er mwyn helpu'r aelod hwnnw neu'r aelodau o'r grŵp hwnnw i gyflawni swyddogaethau aelod o'r Cynulliad,
 - Archwilydd Cyffredinol Cymru,
 - Comisiynydd Safonau Cynulliad Cenedlaethol Cymru,
 - aelod o Bwyllgor Rheolaeth Gorfforaethol Comisiwn y Cynulliad,
 - person sy'n dal apwyntiad fel Ymgynghorydd Annibynnol i Gomisiwn y Cynulliad,
 - person a oedd yn aelod o'r nail neu'r llall o'r panelu a apwyntiwyd gan Gomisiwn y Cynulliad i adolygu cyflogau a lwfansau aelodau o'r Cynulliad yn unol â phenderfyniadau Comisiwn y Cynulliad ar 4 Gorffennaf 2007 ac 8 Mai 2008,
 - person sy'n dal apwyntiad fel Cyfarwyddwr Anweithredol Llywodraeth Cynulliad Cymru.
- 2 At ddibenion paragraff 1(c) daw person yn ymgeisydd i'w ethol yn aelod o'r Cynulliad—
- ar y diwrnod y datgenir bod y person hwnnw'n ymgeisydd (boed gan y person o dan sylw neu gan eraill), neu
 - ar y diwrnod yr enwebir y person hwnnw'n ymgeisydd mewn etholiad i'r Cynulliad,
- p'un bynnag fydd gyntaf.
- 3 Wrth benderfynu, at ddibenion paragraff 1(d), a allai fod angen i enw person gael ei hysbysu i'r Llywydd o dan adran 11 o'r Ddeddf, mae gofynion paragraffau (b) a (c) o is adran (3) o'r adran honno i'w hanwybyddu.

ATODLEN 2

(a gyflwynir gan adran 6(3))

PENODI AELODAU'R BWRDD

- 1 Rhaid i'r Clerc wneud trefniadau ar gyfer dethol ymgeiswyr i'w penodi'n Gadeirydd, ac yn aelodau eraill i'r Bwrdd.
- 2 Caiff y trefniadau hynny—

- (a) eu diwygio o dro i dro, a
- (b) gwneud darpariaeth wahanol ar gyfer penodiadau gwahanol a phenodiadau a wneir mewn amgylchiadau gwahanol.
- 3 O ran y trefniadau hynny, rhaid i'r Clerc sicrhau—
- (a) nad ydynt yn cynnwys cyfraniad gan unrhyw berson y mae'n ymddangos i'r Clerc ei bod yn debyg yr effeithir arno wrth i'r Bwrdd arfer unrhyw rai o'i swyddogaethau, na chan unrhyw berson sy'n gysylltiedig â pherson o'r fath, a
- (b) eu bod, yn ddarostyngedig i is-baragraff (a), yn rhoi sylw priodol i'r egwyddor y dylid cael cyfle cyfartal i bawb.
- 4 Rhaid i'r Clerc beidio â rhoi eu heffaith i'r trefniadau mewn perthynas â phenodiad penodol oni bai eu bod wedi'u cyhoeddi ar wefan y Cynulliad yn gyntaf a'u bod yn parhau i gael eu cyhoeddi tra bo'r broses o ddewis person i'w benodi i'r swydd yn mynd rhagddi.
- 5 Rhaid i Gomisiwn y Cynulliad benodi'n Gadeirydd, neu'n aelod o'r Bwrdd, yn ôl fel y digwydd, unrhyw berson a ddedholir, yn unol â'r trefniadau hyn, i'w benodi i'r swydd honno.
- 6 Nid yw paragraff 3 yn gymwys os yw'n ymddangos i Gomisiwn y Cynulliad fod y person o dan sylw wedi'i anghymhwysu rhag bod yn aelod o'r Bwrdd o dan adran 3.

ATODLEN 3

(a gyflwynir gan adran 16)

DIWYGIO DEDDF LLYWODRAETH CYMRU 2006

Adran 20

- 1 Yn adran 20(1) yn lle “The Assembly must make provision” rhowch “Provision must be made”.
- 2 Yn adran 20(2) yn lle “The Assembly may make provision” rhowch “Provision may be made”.
- 3 Yn adran 20(3) yn lle “The Assembly may make provision” rhowch “Provision may be made”.
- 4 Yn lle adran 20(6) rhowch—
- “(6) Provision under this section is to be made by determination made by the Board.”.
- 5 Ar ôl adran 20(6) rhowch—
- “(7) The Assembly Commission must give effect to any determination made by the Board under this section.
- (8) In this section (and in sections 22, 24, 53 and 54) “the Board” means the National Assembly for Wales Remuneration Board established by section 1 of the [National Assembly for Wales \(Remuneration\) Measure 2010 \(nawm 4 —\)](#).”.

Adran 22

6 Yn adran 22(2) yn lle “The Assembly” rhowch “The Assembly Commission” a hepgorwch “(and may, in particular, do so by requiring it to be published by the Assembly Commission).”.

7 Yn lle adran 22(3) rhowch—

“(3) The Assembly Commission must lay before the Assembly every determination made by the Board under section 20(6) as soon as is reasonably practicable after it is made.”.

Adran 24

8 Yn adran 24(1) hepgorwch “as the Assembly from time to time determines” ac yn ei le rhowch “as the Board from time to time determines”.

9 Hepgorwch is-adran 24(4).

10 Yn lle is-adran 24(6) rhowch—

“(6) The Assembly Commission must lay before the Assembly every determination made by the Board under section 24(1) as soon as is reasonably practicable after it is made.”.

11 Ar ôl is-adran 24(6) rhowch—

“(7) The Assembly Commission must ensure that information concerning the sums paid under this section is published for each financial year.”.

Adran 53

12 Yn adran 53(1) yn lle “The Assembly must make provision” rhowch “Provision must be made”.

13 Yn adran 53(2) yn lle “The Assembly may make provision” rhowch “Provision may be made”.

14 Yn adran 53(3) yn lle “The Assembly may make provision” rhowch “Provision may be made”.

15 Yn lle adran 53(7) rhowch—

“(7) Provision under this section is to be made by determination made by the Board.”.

16 Ar ôl adran 53(7) rhowch—

“(8) The Assembly Commission must give effect to any determination made by the Board under this section.”.

Adran 54

17 Yn adran 54(2) yn lle “The Assembly” rhowch “The Assembly Commission” a hepgorwch “(and may, in particular, do so by requiring it to be published by the Assembly Commission).”.

18 Yn lle adran 54(3) rhowch—

Statws This is the original version (as it was originally enacted).

“(3) The Assembly Commission must lay before the Assembly every determination made by the Board under section 53(7) as soon as is reasonably practicable after it is made.”.